



Inuit Ataqatigiit Inatsisartuni

6. marts 2007
Asii Chemnitz Narup

Inatsisartut Suleriaasianni §36 imm. 1 naapertorlugu Naalakkersusunut apeqquut:

Arnat angutillu naligiissitaanissaat pillugu Inatsisartut inatsisaat tunngavigalugu Naalakkersuisut pisussaaffiunut tunngatillugu Naalakkersuisunut apeqquutit.

(Inatsisartunut ilaasortaq Asii Chemnitz Narup, Inuit Ataqatigiit)

Tunuliaqutaasut

Arnat angutillu naligiissitaanissaat pillugu Inatsisartut inatsisaat nr. 7, 11. april 2003-meersoq Inatsisartut upernaakkut 2003-mi ataatsimiinneranni amerlanerussuteqarluartunit akuerineqarpoq. Tasuuna ersersinneqarpoq naligiissitaanissamut ajornartorsiutit pimoorunneqartut, aamma arnat angutillu suliffinni naligiissitaanisaata allanngoriartornera malittarinianeqartoq.

Inatsisip namminersortut pisortallu suliffiutaanni sulisut suaassutsimikkut agguataarsimanerat, aamma sulisoqarnikkut ingerlatsinermi naligiissitaaneq siuarsarniarlugu iliuitsit pillugit ukiumoortumik nalunaarusianik piniartarnissaannik Naalakkersuisut pisussaaffilerpai.

Inatsit pineqartoq aqutigalugu paasinarpoq ukiunut 2004-amut, 2005-imut 2006-imullu ukiumoortumik nalunaarutit ullumikkut tunniunneqareersimassasut.

Apeqquutit

Ukiumoortumik nalunaarutit taakku nassaarineqarsinnaanngimmata/takuneqarsinnaanngimmata apeqquutit makku akissuteqarfigeqqullugit inussiarnersumik Naalakkersuisunut saaffiginnippunga:

1. Ukiunut qaangiuttunut pingasunut ukiumoortumik nalunaarusiat pissarsiariniarlugit Naalakkersuisut qanoq iliuseqareerpat?
2. Taamaassimappat:
 - a) Nalunaarusiat suna aqutigalugu tamanut saqqummiunneqarpat aamma qanga?
 - b) Namminersortut pisortallu suliffiutaasa nalunaarusiaat nunatsinni arnat angutillu naligiissitaanerata ataatsimut isigalugu qanoq paasissutissiippat?
 - c) Ukiumoortumik nalunaarusiat taakkua naalakkersuisutigoortumik nutaanik suliniuteqartoqartariaqarneranik tikkuussippat?
3. Taamaassimanngippat:
 - a. Sooq naalakkersuisut ukiumoortumik nalunaaruteqartoqarnissaanik noqqaasimanngillat?
 - b. Naligiissitaanissaq pillugu inatsisip piumasaqaataannik naammassinninnissaq anguniarlugu Naalakkersuisut qanoq iliulersaarpat?
 - c. Qaqugumita?
4. Naligiissitaanermut Naalakkersuisoq ukiumoortumik nalunaaruteqartarnissaq pillugu erseqqinnerusumik malittarisassiornissamut pisinnaatinneqarpoq (takukkit §3, imm. 3 aamma §4, imm. 3). Nalunaaruteqartarnissap assigiissaarnissaa piuminarsarnissaalu aqutissiuunniarlugit qanoq ittunik najoqqutassiisoqarsimava?

5. Namminersornerullutik Oqartussat nittartagaat aqutigalugu paasissutissanik ujarlernermit atuarneqarsinnaavoq Sivert K. Heilmannip naligiissitaanermut tunngassuteqartut akisussaaffigigai. Pisortaqarfiilli naalakkersuisumik pineqartumik sullissit paasissutissiissutaat atuaraanni taakkunani oqaatigineqanngilaq naligiissitaanissamut suliniutit suut ingerlanneqarnersut, pingaarnersiullunilu tulleriissaarinermi qanoq qaffasitsigisumik inissisimanersut. Taamaalilluni nalileruminaappoq Naalakkersuisut naligiissitaanissamut tunngassuteqartut ilumut pimoorunneeraat – Naalakkersuisut tamatumunnga qanoq oqaasissaqarpat?